

Commune de Sandweiler											
n° Ges:											
ct: 17 MAI 2024											
B	CE	SA	ST	RP	IC	RH	RE	PO	SC		
BN	GC	HL	LS	NP	RC	RG	SI	SM	SS		
TD	WA	WI	RI	PG							



SANDWEILER

sandweiler@csv.lu

Administration communale de Sandweiler
A l'attention du Collège échevinal
18, rue Principale
L-5240 Sandweiler

Sandweiler, den 17. Mee 2024


Betrëfft: Froen un de Schäfferot fir d'Gemengerotssëtzung vum 23. Mee 2024

Madamm Buergermeeschtesch,
Madamm, Monsieur Schäffen,

D'CSV Sandweiler Gemengeréit erlaben sech lech folgend Fro ze stellen a géifen sech iwwer eng Äntwert am Gemengerot vum 23.05.2024 freeën. Fir de Bierger Är Äntwert ouni eventuell verfälschend Interpretatioun zoukommen ze loosse, biede mir lech an der Suite ons Är Äntwert an engem räsonabelen Delai schrëftlech zoukommen ze loosse.

Fro 1:

No der Installatioun vun enger neier Clôture beim Fussballterrain ass den Defibrillator deen ëmmer einfach accessibel war, elo net méi zougänglech.



En Defibrillator rett Liewen! Wat gedenkt de Schäfferot fir dës liewensgefäerlech Situatioun méiglecht séier aus der Welt ze schaffen? Et ass wichteg dass dës fir all Sportler vun deenen Infrastrukture, d'Foussgänger an d'Scouten, einfach zougänglech ass.

Handwritten signature and initials.

Fro 2:

Op der „Kräizung Scheedhaff“ goufen, no enger laanger provisorescher Installatioun, fest Schëlter installéiert, enner anerem fir t'Maximalvitesse op 70km/h ze limitéieren. Hutt Dir Kenntnis driwwer ob an a wéi engem Delai och fest rout Luuchten installéiert ginn? Kennt Dir des Kenntniss w.e.g. mat de Bierger an dem Gemengerot deelen?

Fro 3:

Cité de l'aéroport - Findel: Laut engem Artikel am Journal vum Mäerz huet d'Buergermeeschtesch Mme Breuer gesot de Schäfferot hätt deemnächst e Rendez-vous um Ministère des Finances fir iwwer déi genannte Cité ze diskutéieren. Huet dee Rendez-vous scho statt fonnt? Wat kount dobäi raus a wéi geet et mat der Cité weider?

Fro 4:

No der Constructioun vun zousätzleche Vestiaires beim Fussballterrain goufen d'Vëlosstänner ofgebaut. Kommen nees nei Vëlosstänner bei de Fussballterrain? Wann jo, wéini a wouhi genau? Wann nee, wat ass d'Begrënnung vum Schäfferot fir keng nei Vëlosstänner mei ze installéieren?

Fro 5:

Den neie Schäfferot huet no senger Amtsaféierung divers lafend Projete gestoppt oder réckgängeg gemaach, aner, schonn am Conseil gestëmmt Projete nach mol ëmgeännert, oder bei lafende Projete den externe Partner gewiesselt an domat de Projet quasi nei ugefaangen. Kennt Dir ons w.e.g. am Detail all Projete oplëscht di gestoppt oder réckgängeg gemaach goufen, oder wou den externe Partner gewiesselt gouf. Kennt Dir ons am lëschtgenannte Fall och de Grond fir dës Partnerwiessel matdeelen? Kennt Dir ons och w.e.g. am Detail oplëscht wéi vill Geld schonn an di gestoppten / réckgängeg gemaachte Projete gefloss war, wéi vill d'Etudé fir d'Ännerungen u gestëmmt Projete ausgi goufen a wéi vill Geld schonn un déi ausgeschlossene Partner gefloss war?

Als **Beispiller** fir sou betrafft Projete, fir déi mir déi Detailler froen, wäeren hei just genannt:

- Drone / 3D Vermessung vum Duerf
- Ännerungen um Projet de réaménagement rue d'Itzig
- Modifikatioun vum de Pläng „Generationenpark“ / „parc à Sandweiler“
- Modifikatioun vum de Pläng fir t'Crèche

Wéi eng aner Projete goufe wéi uewe beschriwwen ëmgeännert, réckgängeg gemaach,...

Handwritten signature and initials.

Fro 6:

Am „Sandweiler Aktuell 07-2024“ gouf iwwer d'archeologesch Ausgruewungen am Zesummenhang vum Projet Parc a Projet réaménagement rue d'Iltzig geschriwwen. Beim éischtgenannte Projet wäeren des Ausgruewunge fäerdeg. Kennt Dir ons w.e.g detailléiert matdeele wat dobäi fonnt gouf an ob dat en (historesche) Wäert huet ?

Gouf bei den Ausgruewungen an der rue d'Iltzig schon eppes vun Interesssi fonnt? Wann jo, wat?

Fro 7:

PAG: Um Internetsite vun der Gemeng Sandweiler, méi genau ënner <https://sandweiler.lu/fr/commune/pag>, fannen sech all interessant Dokumenter zum neie PAG, wéi se ënner der aler Majoritéit ausgeschafft an am Gemengerot gestemmt goufen. Leider fannen sech awer déi läscht Dokumenter déi ënnert der LSAP/DP Majoritéit ausgeschafft goufen, speziell d'Presentatiounen aus dem Gemengerot vum 14. Mäerz 2024 sou wéi déi passend Deliberatioun hei net erëm. Wat ass de Grond dofir? Wéini sollen déi Dokumenter, sou wéi dat och an der Vergaangenheet de Fall war, op transparent Aart a Weis den interesséierte Bierger op der selwechter Platz zur Verfügung stoen?

Fro 8:

Am Budget 2024 fënnt sech den Artikel 4/120/221311/24010 (Modernisation du bâtiment de la mairie à Sandweiler) mat engem Montant vun 130 000€. Wat genau gouf un dësem Projet scho geschafft? Wéineg Punkte genau um Gebai ginn aktuell ënnersicht fir ze moderniséieren? Gi just eventuell Modernisatiounen ënnersicht oder och Ausbauméiglechkeeten?

Fro 9:

Em den Ufank vum Mount Abrëll gouf et en Abroch am Centre Culturel. Iwwer wéie Wee sinn d'Abrieche an de Centre Culturel era komm? Waren d'Alentoure vum Centre Culturel zu deem Zäitpunkt belicht? Weie Schued (materiell a finanziell) ass dobäi entstan? Huet de Schäfferot geplangt weider Sécherheetsmesuren ëmzesetze fir Abréch a Gemengegebaier am Allgemengen ze souwäit méiglech ze verhënneren? Wann jo, wéi eng zousätzlech Mesure si geplangt?

Fro 10:

De 7. Mee 2024 huet eng Konferenz mam Titel „Wéi digital resilient ass de Gemengesecteur?“ stattfonnt, organiséiert vum Ministère des Affaires intérieures zesumme mam Syndicat des villes et communes luxembourgeoises (SYVICOL) an dem Luxembourg House of Cybersecurity (LHC). Publikum: Lokalpolitiker a Gemengebeamten.

War de Schäfferot an/oder e fir IT zoustännege Beamten op där Konferenz präsent fir sech ze informéiere wat déi aktuell Risike fir Gemengen si am Beräich Cybersécherheet, a wat wuel ab spéitstens dem 17. Oktober mat der Ëmsetzung vun der europäescher NIS2 Direktiv an nationaalt Recht ob d'Gemengen zoukënnt?

Wéi eng technesch an organisatoresch Mesuren hellt d'Gemeng elo scho fir d'Date vun de Bierger ze schützen a performante Service um Bierger ze garantéieren trotz den aktuelle Risiken deenen all IT-Infrastruktur ausgesat ass.

Wéi eng technesch an organisatoresch Mesuren imposéiert d'Gemeng sengen externe Partner déi un der IT-Infrastruktur schaffen oder des geréieren?

Laut engem Wort-Artikel vum 8. Mee iwwer des Konferenz gouf et an de leschten 3 Joer zu Lëtzebuerg net manner wéi 56 Cyberattacken op Gemengen.

Fro 11:

Fir d'Joer 2023 huet de Staat am Fonds de dotation globale des communes en lwwerschoss vun 53 Milliounen festgestallt, dee mat den Avancen un d'Gemenge soll ausbezueelt ginn.


Kennt Dir ons soe wéi vill dovun d'Gemeng Sandweiler kritt?

Huet d'Gemeng Sandweiler mat der leschter Tranche scho méi ausbezueelt kritt?

Kennt Dir ons soe wéi vill Gewerbesteier um Terrain vun der Gemeng Sandweiler am Joer 2023 erakomm sinn?

Wéi vill dovu sinn an de Fonds de dotation globale des communes gefloss?

Wéi vill huet d'Gemeng am Joer 2023 ausbezueelt kritt?



Romain DUMONG
Conseiller



Jean LEMMER
Conseiller



Simone MASSARD-STITZ
Conseillère